



EZECHIEL,
QVI VIDIT
CONSPECTVM
GLORIÆ, QVAM OSTENDIT
ILLI DEVS IN CVRRV CHERVBIM,
QVANDO ET QVOMODO VIDIT; HAVD
OBSCURE PROSPEXIT IDEALEM SCIENTIAM
DEI, QVA CVNCTA DISPONVNTVR,
ET PROVIDENTVR.

ORBIS NAMQVE VNIVERSVS, PER
ROTATIONEM CVRRVS VOLVCRI
DESIGNATVS, AFFIXVS TAMEN SVAVITER,
ET FORTITER AXIDI PROVIDENTIE,
ASSIDVÆ VOLVITVR, ET REVOLVITVR,
DONEC CVRSVM PERAGAT
institutum.

VERVM VERO PROVISSIONE SPECIALI
FACTA EST IBI MANVS DOMINI, ET SPIRITVS
VITÆ ASSIDVITAS MAXIMA SVpra ROTAS
Versatiles Regularis Regiminis, Religiosi vè Moderaminis, vt cum-
que vissum fuerit Deo Religiosorum functiones vertere ac
volvère, æquum esse, vt Consulant religati divi-
næ, potiùs quam propriæ Contracti
voluntati.

VNDE APPOSITE D. BERNARDVS
LIBRO DE NATVRA AMORIS CAPITE 8.

Rotæ, in quibus est Spiritus vitæ, semper eunt in voluntatem Domini perficiendam, nec revertuntur ad faciendam suam. Si iubentur præ esse, presunt in sollicitudine: Si iubentur subesse, in humilitate: si Prælati sunt, sicut Patres ad Filios: si Subiecti, ut Filij ad Patres suos.

HÆC CERTE EST BENE FORMATA
IDEA CAPITVLARIS MONASTICA, HÆC
VERA COMITIA FRATRVM, VBI DEVS
specialiter providet, vbi Spiritus Vitæ specialiter assider.

HANC INQUAM MODO, ET SEMPER
NESCIT NON ÆMVLARI, ET IMITARI
STRENVE SACER TERTIVS ORDO DE POENITENTIA, Regularis Observantiæ S. P. N. S. FRANCISCI ASSISIATII in hac sua Provincia Vandalica, Granatensisque Regni, Primo Angelorum Principi, ac ex Omnium Supernorum Spirituum Selectissimo Primati, D. Michaeli Archangelo terque quaterque fortunatè devota, ac amplius millies feliciter dicata; & coadunata
modò pro Comitij Provincialibus celebrandis in Conventu
Magno Dei-paræ Consolatricis Hispalensis Civitatis à die 25. Mensis Maij vsque ad
28. Labentis Anni

1703.

COMITIALIS QVATRIDVI FESTIVO-SACRA
Distributio.

CVrrum Gloriæ Dei quatuor trasvehabant ibi myste-
riosa animalia, quatuor & hic afferent discursu-
rentia vniuersam Pompam festivam, plena oculis
prædicabilium conceptum, vt ex inde quatuor Evan-
gelistarum munus subeuntia de curru gloriæ gloriosum
suggestum efficiant, & toto calo celeberrimum sacrum
Quatriduum.

F*Acies Leonis à dextris ipsorum quatuor* primam of-
tentat diem 25. Maij, devouendam idcirco ex de-
bito multiplici Leoni illi Invictissimo, ac ter Fortissimo
D. Michaeli Archangelo, Provinciæ Tutelari, & Titu-
lari, & per præmissam figuram designato, quæ ex D.
Dionysio 15. de Cœlest. Hierarch. *Principatum, robur,*
invictumque declarat animum. Pro tanto die Conciona-
tor adstabit R. P. Fr. IOANNES AVGVSTINVS DE
LA HINOJOSA, Lector Iubilatus.

F*Acies Aquilæ desuper ipsorum quatuor* secundam lu-
cem demonstrat, 26. Maij, ipsamque Electionis
diem, dedicandam ex voto, & omni ex iure consecran-
dam, Aquilæ Grandi illi Magnarum alarum, plenæ plu-
mis variegatis omnigenis supernarum gratiarum, &
virtutum, ex quo ad Libanum venit, seu de Libano
prodiit, tollens ex inde per Filium medulam Cedri Ori-
ginariæ Incorruptibilitatis. Devotissimi huius, ac Pijissi-

mi Mysterij erit Panegirista R. P. Fr. DIDACVS, DE
TORRES GALABARDO, in Conventu Cordubensi
Lector Primarius. Et ad Fratres in Capitulo orabit R. P.
Fr. FRANCISCVS ANTONIVS, Prædicator Iubila-
tus, & Minister Astigiensis.

Facies hominis à dextris ipsorum quatuor tertiam diem
patefacit, Maij 27. eamque reddendam fore, pro
beneficijs acceptis in Electionibus, SSmo. Patriarchæ
Nostro, ipsa imago præfert, utpotè, quia ipse (ut in-
quit Marulus lib. 2. Dictor. Factor. que Memorab. cap.
4.) *Novus homo venit in mundum, ut labentem repararet
Ecclesiam, quinque traditis talentis.* Pro Assumpto tanto
ostendetur Declamator R. P. Fr. DIDACVS QVA-
DRADO, Prædicator Iubilatus, & Minister Vriao-
nensis.

Facies bovis à sinistris ipsorum quatuor quartum dete-
git diem, 28. Maij, qui & si funestus, & exequia-
lis ob iusta solvenda funeribus, & Monumentis Præcla-
rorum DD. Patronorum Provinciæ, qui ex hac vita de-
cesserunt; tamen per suffragia oblationis, & hostiæ pa-
cificæ, mystici Bovis Christi Deo acceptissimi, erit illis
hilaris, & Lucidus, æternæque in pace quietis. Pro-
clamator funeralis, & honorarius erit R. P. Fr. NI-
COLAVS EVGENIVS, Prædicator Generalis, Ex-
Secretarius Provinciæ, & Minister Cordubensis.

MAXIMO,
ET
AMPLISSIMO
VIRO.

VNDEQVAQVE
INTEGERRIMO, VI DOCTRI-
NÆ, ET VIRTVTIS, DOMINIJ, ET
POTESTATIS IURE, QUI CONSVLT A PATRVM,
qui leges, iuraque seruat; hæc, vt ius dicat Præses in
Consilijs, & Tribunalibus Regijs; illa, vt ins-
truat Archi-Antistes in Ecclesiasticis
Concionibus, & Con-
cessibus.

EXCELSISSIMO
PRINCIPI, VERE IN VNVM
CORDVNANTI, ET IN SE MIRABILITER
COMPONENTI SACRVM, ET PROPHANVM
Guvernium, Ecclesiasticum, & Sæculare,
vti alius Moyses, aut Melchisedec,
aut Samuel.

SA-

SAPIENTISSIMO DYNASTÆ,
INCOMPARABILI FOELICIORI FAVSTV,
QVAM ROMANI CÆSARES ILLI ANTIQVI,
vtrumque Regenti Imperium, Pontificium, & Cæla-
reum, tametsi non absolutè, longè, Latèque,
& amplè.

EXCELLENTISSIMO (INQVĀ)
ILLUSTRISSIMO, AC
EXIMIO

D.D.Fr. EMMANVELI
ARIAS, ET PORRIS,

SVPREMI STATVS REGIS CATHOLICI
A CONSILIIJS, CASTELLÆ PRÆSIDI, TOTIVS
REGNI QVONDAM MODERATORI, E PRIMORIBVS
HISPANIÆ CANDIDATIS DIVI IOANNIS ALBO
Stemmata præcipuo Heroi, Commendatoris dignitate strenua variè
Condecorato, ac tandem in Celsissima Sede Hispalensis Ar-
chiepiscopatus Cælum digito
tangenti.

HVIC ERGO PATRONO TANTO, AC DIGNISSIMO
Mæcenati Bætica Tertiariorum Provincia, ac Pœnitentum PP. Re-
gul. Observ. S. P. N. S. Francisci, ad sui celebrationem Capituli
Congregata, hos volatus Theologicos ad Deum Ordinatos, & ex
1. Sent. lib. provocatos per Scotum Subtilem Aquilam Theo-
logorum, in aliquale gratitudinis, & obsequij
pignus S. L. O. C.

QVA-

QVADRIGA CHERVBIM

Ezechielis Prophetæ quatuor
sent. lib. gloriose in-
troducens.

A Reopagita Magnus ille D. Dionysius Prophetam Ezechielem haud immeritò insignivit *Magni Theologi* nomine in Ecclesia Dei, cum adhuc *Eximius* sit; ibi maximè, vbi in Quadriga Cherubim vidit conspectum gloriæ, præclaram scilicet Divinitatem in eis sedentem, è cuius sapientiæ, & scientiæ plenitudine nomen elaturam sortitus est. Sic enim inquit lib. de Cœl. Hierarch. cap. 8. *Ezechiel Theologus à præclara Divinitate in Cherubim Sedente*. Rursus cum Cherub, *quasi Magister*, à Nonnullis videatur interpretari; id circò tota Theologia, seu sapientialis scientia de Deo in 4. Magist. Sent. Libris Laconicè comprehensa, & ex professo à D. Sub. M. D. & M. N. concertata Cherubicè, per totidem quadruplicatas Expositiones, & Assertiones Theologicas devoluetur celeritèr contra adyersantia tela.



PRIMUM CHERVB I. SENT.

lib. aperiens.

FAciam Aquilæ desuper ipsorum quatuor Cherub ostendebat superius, ad eformandum equidem, & Ioannis Evangelium in primis, & ex inde lib. 1. Sent. Mag. *Quid per faciem, nisi notitia exprimitur?* Unde cum Ioannis Evangelium à Verbi Divinitate incipit, rectè per Aquilam designatur; *facies siquidem Aquilæ* (ut ait Hugo) *contemplatio supernorum est*, utpotè quia Aquila solem intuetur in rota; & liber 1. Theologiæ Solem Divinitatis Unicæ, & simplicissimæ in Solis Tribus contemplatur Personis. Convolemus igitur & Nos ad hunc Solem Trinum, & Unum quatuor pennis Cherubicis; nam quatuor pennas per quatuor partes habebat.



PENNA

PENNA I. AD DEVM

Vnum.



Er Opt. ac ter Max. Deus, ratione naturali ostensus, & fi-
de creditus, prima facie se se nobis considerandus offert
sub conceptu repugnante enti creato, finito, & limitato,
seu quo maius, perfectius, & excellentius excogitari ne-
quit; cuius proinde negationem quisquis percipit, Chy-
merarum omnium maximam facit chymeram. Ille autem
vnus est; aut de est; & vt sit, solus est, cum non minus
adversetur rationi illæ nullus, quam multus Deus. Ex
evidentia Dei minime inferre licet ignorantiam eiusdem
invincibilem, tam respectu vnus, quam respectu plurium, esse impossibilem.
Quid quid dixeris, nisi Deum substantiam singularem, completam, intellectualem,
spiritualem, *existentem per essentiam* dixeris, nullatenus naturam ipsius bene
explicabis. Ipsa est omnino Simplex, & omnino Immutabilis, Sancta per amo-
rem, sed absque virtutibus moralibus, propriè & formaliter acceptis. Non est
substantialiter in loco per eius operationem, nec ei coexistunt res temporales
physicè in æternitate.

PENNA II. AD DEVM VISIBILEM, & invisibilem.

Nedùm hallucinatur, verum & fallitur quisquis Regem Sæculor. Immor.
& Invisib. oculo corporeo, aut vlla potètia materiali supernaturaliter,
vel spirituali creata naturaliter, videri posse affirmat; vt pote qui
non nisi ab intellectu elevato lumine gloriæ (quod simpliciter neces-
sarium non est, tamen defacto detur inherens per modum habitus) & qui-
dem eò perfectius, quo cæteris paribus, perfectior erit, videri consentit. In Bea-
lem, ne dicas admitti debere, aut da vrgens fundamentum. Videri posse es-
sentiam Divinam sine attributis, aut attributa sine essentia, quid vetat? Maxime
se. Decreta Dei libera videntur, si revelentur; vnde non ex vi duntaxat visio-
nis beatæ, & luminis gloriæ, sed revelatione addita. Possunt Beati vi-
dere in Essentia omnes creaturas posibles, quin eam
comprehendant.

PENNA III. AD DEVM INTELLI- gentem, & volentem.

DEus, qui fecit Cœlos in sapientia, & intellectu, formaliter ab essentia discrepante, cognoscit cuncta, futura, & possibilia absoluta, & conditionata, non tamen extra essentiam. Sciens ergo ipse est scientia visionis, & simplicis intelligentiæ, non verò scientia media, vt potè quia impossibilis, vel si possibilis, inutilis ad ea præstanda munera, ad quæ ab Assertoribus stabilitur. Falsò, & frustraneè, *Fiat voluntas tua*, quotidie diceret quis, si voluntate Deus præditus non esset. Binos iure sibi vendicat actus, Providentiæ videlicet, quo attingit à fine vsque ad finem fortiter, disponitque omnia suaviter, & prædestinationis, quo, quia bonus, omnes electos ad gloriam absq; prævisis meritis præordinavit; reprobos verò, quia iustus, propter demerita, ad pœnas damnavit. Omnes autè vult salvos fieri, & ad agnitionem veritatis venire.

PENNA IV. AD DEVM Trinum.

In profundissimo Sac. S. Trinitatis Arcano Vnius Dei, & Personarum Trium, Pater à nullo, Filius à Patre per *Dilationem*, Spiritus verò S. ab utroque (qui si per impossibile à Filio non procederet, adhuc realiter ab eo discrimineretur) per essentialiter liberam voluntatis *Spirationem* procedit. Verbo Divino inmediate communicatur divina natura ex vi formali productionis ipsius minime autem sapientia essentialis; & Spiritui S. similiter, *servatiservandis*. Scorum non legit, aut non intelligit, qui ipsum cum Ioanne à Ripa, quoad personarum divinarum constitutum sensisse, aut easdem personas divinas perfectionem simpliciter simplicem, ceu simpliciter infinitam includere, existimat, cum hoc ita, non sit, & quoad illud, stet pro relativo.

His se pennis proteget ab adversaria incurfione, & pro tuenda doctrina Scoti, ex hoc primo eruta, adstabit P. Fr. FRANCISCVS MONDACA ET BRAVO, Lector Philosophiæ, sub auspicijs A. R. P. Fr. BALTHASARIS DIAZ DEL VALLE, Lectoris Jubilati, & Provinciæ Diffinitoris. Die 1. Capituli, & 25. Mensis Maij. Vesperè.

HIE





HIERARCHIÆ
SERAPHICÆ VNIVERSÆ
DEGENTIS IN TERRIS PAUPERVM
HIERARCHÆ MINORI,
ET MAXIMO:

TOTIVS FRANCISCANÆ FAMILIÆ
PER QVATVOR MVNDI PLAGAS LONGE,
LATEQVE DIFFVSÆ, PLAGIS QVINQVE,
TRIBVSQVE SVFFVLTA ORDINIBVS
GENERALISSIMO
GENERALI:

GREGIS AMPLISSIMI,
AC PENE INNVMERABILIS PECORIS
SVPREMO NOMADI; NEC NON ARCHI-
MANDRITÆ PRINCIPALI, TOT FILIORVM
CIRCITER, QVOT FIDELES DOMINVS
PROMISSERAT ABRAHÆ.

N. (INQVAM) R^{MO} SVPERIORI,
COLENDISSIMO PATRI,
OBSERVANDISSIMO PRÆSVLI,

Fr. ILDEFONSO DE BIEZMA,
QVEM CATHOLICA ET REGIA
MAIESTAS SIBI A CONCIONIBVS
ASSVMP SIT, QVEM PIENTISSIMVS AC REGALIS
pro Immaculata Conceptione Dei paræ Theologorum Con-

cessus Theologum, & Consiliarum annumerat, quem omnis Religio Seraphica in Meritissimum Generalem Ministrum, & Patriarchæ Pauperum Legitimum Successorem LXXV. foelicitè exexit; quique, & si vnus in persona, in virtutibus tamen, & dotibus emicans multiplex, curram gloriæ Dei etiam in se portare dignoscitur.

HVIC ERGO PERFULGENTI IVBARI
NOSTRO, BOETICA SVA, ET GRANATENSIS
Provincia S. Michaelis Archangeli, Tertij Ordinis de
Pœnitentia, in Capitulo Provinciali Coagmentata,
subsequentes Cherubicas Alas ex Scoto Cherub, quibus
ad Deum per 2. Sent. volauit, vt sub propriarum
vmbra ipsam protegat,
S O. L. C.

II. CHERVB LIB. 2. SENT. RESERANS.

Leonis faciem à dextris ipsorum quatuor secundum detegbat Cherub; profecto ad innuendum, vt omnes faterentur Interpretes, Evangelistâ Marcum, qui quidem, quia à clamore in deserto incepit suam hystoriam, rectè per Leonem præfigitur. Quis vero in deserto clamabat? Homo Angelus (Ioannes) vt ex Malachia, & ex Evangelista apparet: *Ecce ego mitto Angelum meum. Fuit homo missus à Deo.* En principem materiam totius 2. lib. sent. qui quidem Deum considerat Conditorum vniversorum, maxime Angelorum, & Hominum, eorum Auxiliatorem, Iustificatorem, Præmiatorem bonorum, & malorum Punitorem: ad quem & nos, quatuor extensis Alis, volatum dirigemus.

ALA

ALA I. AD DEUM ANGELORVM Conditozem.



*I*n principio creauit Deus Cælum, & terram; hancque hominibus, illudque Angelis mox ornavit, quibus in gratia conditis non defuit auxilium speciale, cum quo perseverare potuissent, si voluissent; & sine quo & si voluissent, non potuissent. Brevi morula ex illo statu Angeli plurimi præcipitanti sunt in Civitatem tenebrosam, quam ædificavit inordinatus sui amor, ubi æterno igne affligente, non tangente cruciantur. Illuminant quidem, & loquuntur per specierum impressionem, quarum vniuersalitatem dari, & non dari specificam, & numericam eorum distinctionem, nulla convincit ratio. Effectus aliquos supernaturales ad gratiæ mysteria pertinentes, supposito iam primo miraculo, quod sint à Deo producti, ut ab Authore supernaturali supra naturæ exigentiam, possunt utique deinceps naturaliter cognoscere, distinctè, & evidenter; aliquos vero non, qui præ se ferunt scilicet respectum ad Deum sub ratione Deitatis, aut sub alia ratione, solum ex revelatione cognoscibili.

ALA II. AD DEVM CONDITOREM Hominum.

Hominem, quem paradisi Rectorem fecit Deus, stola innocentiae ornatum, invidia diaboli seduxit, dum ipsum induxit ad peccandum, in quo omnes peccaverunt (Dei-param excipe) qui nisi in secundo Adam regenerentur, portabunt iniquitatem primi, sola duntaxat poena damni in altera vita puniendi. Cecidit amore inordinato uxoris, prius noster perempror, quam parens protoplastus. Mortaliter cecidit, potuit tamen cadere venialiter, & in hoc casu innocentiam conservaret, & gratiam à iustitia originali distinctam. Humanam spoliavit naturam per suum læthale originali iustitia, iustificante gratia, Fide, Spe, Charitate, aliisque virtutibus, & donis supernaturalibus. Pœnituit tandem, veni in consecutus, & gratiam, & salutem æternam, ut ait Nazianz. orat. 3. *Vtrumque serpens decipit, utrumque Christus passione sua saluum donavit.*

ALA III. AD DEVM AVXILIATOREM, & Iustificatorem.

DEus adeò liberalis, & misericors est, vt singulis paraverit gratiam sufficientem, quā infirma, & debilis voluntas vvas germinare sufficeret. Divinæ gratiæ subsidio ablato, nulla gratia vera, nulla præceptorem observantia virtuosa, nulla tentationum victoria haberi potest. Efficaciam gratiæ à consensu voluntatis, aut prædeterminatione, vel scientia media, non rectè quis colligeret; cum talis ex se formalitèr, quaterus in his, in quibus datur instantiis, vim habeat determinandi moralitèr infallibiliter voluntatem. Qui per naturam iustus est, nos per gratiam intrinsecè inhaerentem, à Charitate realitèr saltem indistinctam, iustificat, filios adoptivos facit, amicos, hæredes, consortes Divinæ naturæ tantum moralitèr, & ex ordinatione Divina; quæ proinde ex physica natura compatibilis est cum peccato.

ALA IV. AD DEVM PRÆMIATOREM, & Punitorem.

DEus hominem, quem fecit, reliquit in manu consilij sui, vt libere bonos, vel malos exerceat actus, propter quos dignus vita, vel morte fiat. Actum externum malitiam, vel bonitatem superaddere interno, pauperes in plateis clamant. Bonos inter, & malos, mediant indifferentes, tam in specie, quam in individuo. De peccato ita concludas, vt ipsum à diabolo conceptum, à Deo permissum, purumque privativum debitæ rectitudinis in esse actui asseveres. Differt à mortali veniale per hoc, quod mortale sit contra præceptum, cuius observantia ad salutem est necessaria; veniale vero contra præceptum, non tam stricte ligans. Habituale aliud non est, quàm dignitas, & obligatio passiva ad pœnam. Sine acceptatione divina meritum de condigno vitæ æternæ stare nequit.

His evolabit adauctèr, vt se servet liberum ab Auibus impugnantibus,
P. Fr. PETRVS ZVRITA, Philosophiæ Lector sub ductu, & tutamine A. R. P. Fr. PETRI A SANCTA CRUCE
Lectoris Iubilati, & Diffinitoris Provinciæ. Die 2.
Comitorum Provincialium, & Maij
26. Vesperè.

MAG-





MAGNIFICO

AC PERILLVSTRI HEROI,
CVIVS ANIMVM OMNES GENEROSIS-
SIMÆ, AC NOBILISSIMÆ EXORNANT
dotes, cuius spiritum pijsimæ cunctæ, & ornatissi-
mæ exornant virtutes, cuius sanguinem vniuersa fa-
cinora clarissima, & fulgentissima perhonorant, cu-
ius Stirpem, Ascendentiam, Genealogiam omnes His-
paniæ Procures, præexcellam, & per antiquam ag-
noscunt, cuius Personam, maximè observandissi-
mam ob humanitatem, æquitatem, & mi-
sericordiam, Equites Commendant,
& Nobiles.

SED CVI NVM HÆC?
CVI, ET SI NON PARVA HÆC,
OMNIBVS ADÆQVAT
NOMEN:

D. D. ANTONIO
DE CARDENAS ET GVZMAN,
SENATVS CORDVBENSIS EXPERTISSI-
MO SENATORI, MODERATISSIMOQVE
Rectori, Domino Pagorum del Villar Viejo, y la Vega,
Fon-

Fon-Real, Caninos, Torre Albaon, & Prado Castellano, Præsidique Arcis de Montoro, & Nostræ huius, imo suæ, Provinciæ Patrono Vigilantissimo.

HVIC ERGO ORNATISSIMO VIRO IPSA SVA Provincia, ex titulo multiplici amoris, Venerationis, & gratitudinis, hos Volatus Theologicos Cherubicos ex 3. & 4. Sent. provocatos ad Deum per Scotum Doct. Nost. D.O.L.C. dum pro Comitij Provincialibus celebrandis in vnum Congregata conspicitur.

III. CHERVB 3. LIB. PANDENS

Sentt.

FAciam hominis à dextris ipsorum quatuor tertium detegebat Cherub, & designat alegoricè, ex sensu omnium vulgari, Mattheum Evangelistam Sacrum; cò vel maximè, *quia ab humana Christi generatione suum inchoavit Euangelium*, vti Hugo exposuit; cuius etiam ratione, & alegorica convenientia 3. Sent. lib. aperit, qui potissimè de Deo Incarnato, Mediatore Dei, & hominum, virtutum Amatore, & Legislatore pertractat. Igitur ad eundem, & sub eisdemmet considerationibus, discufis & distentis pennis totidem, mentem sublevemus nostram.

PEN-

PENNA I. AD DEVM

Incarnatum.



Acrofantum Incarnationis Myfterium à ſæculis, & generationibus abſconditum, ſi viribus cuiusque intellectus creati attingeretur, non eſſet mirabile; ſi exemplis, non eſſet ſingulare; & ſi ex peccati occasione fuiſſet cooperatum, non eſſet tam excellens opus. Sine contradictione potuit quævis natura, etiam inſenſibilis, vna, vel multa, ad quamvis SS. Trinitatis Perſonam, immò, & ad eſſentiam Divinam immediatè aſſumi, non item vna ad ad plures. Nil verat, quo minus Verbum vniatur humanitati mediante medio, aut modo, ſeu nexu ab extremis realiter diſtincto; prohibet verò multum, Verbum ſupplere exiſtentiam in humanitate, etiam admiſſa diſtinctione reali inter eſſentiam, & exiſtentiam. Celſiſſimæ huius vnionis nulla præceſſit de facto cauſa meritoria, licet potuerit ex parte naturæ aſſumptæ; non vero ex parte Chriſti. Sancti Antiqui PP. accelerationem Myſterij Incarnationis meruerunt de congruo.

PENNA II. AD DEVM

Mediatorem.



Nulla gratia, nulla gloria, nulla dona ſupernaturalia hominibus, & Angelis fuerunt collata independentèr à Chriſti meritis, aut præviſis, aut exhibitis. Qui tulit noſtra peccata ſatiſfecit pro eiſdem, non tamen de toto rigore iuſtitiæ, nec ſatiſfactione ſimpliciter infinita, tamen ſuperabundante, & excedente ex ſe ipſa; & quoad condignum attinet, potuiſſet purus homo de potentia Dei extraordinaria ſatiſfacere. Libertas Chriſti cum eius phyſica impeccabilitate in obſervatione cuiuſcumque præcepti, tam poſſitivi, quam naturalis, & in ordine ad meritum, quàm optimè ſalvatur, præſiſtendo in libertate remota, & intrinſeca indifferentia ad agendum, & non agendum. Virtute vnionis hypostatice minime Chriſtus redebatur formaliter impeccabilis, nec Sanctus formaliter.

PENNA III. AD DEVM VIRTVTVM Amatorem.



Egenerant virtutes per se infusæ, dum habitus generant naturales. Fides iustificationis radix, & fundamentum, omnem propositionem a Deo revelatam, & revelabilem pro obiecto materiali; pro formali verò, & nostri motivo, *Authoritatem Divinam*, provt sapientiam, & veracitatem præ se fert, sibi vendicat. Eadem Authoritate Dei Providentis movemur, & ducimur adæquatè ad præstandum assensum Fidei Divinæ existentie Revelationis cuiuscunque mysteriorum revelati, iudicio præsupposito prudentis, & evidentis credibilitatis, simulque assensu humano terminato ad existentiam motivorum, in quibus talis prudens, & evidens credibilitas innititur. Nemo rationabiliter sperat, quod futurum nullo modo credit. Unde licite desperat, cui Deus absolute suam damnationem revelat. Charitas, qua Deus diligitur propter se, proximis autem propter Deum, quoad habitum, eadem est in via, & in Patria; non item quoad actum. Correctio fraterna est de Iure naturali, & divino; est que adhibenda, quando aliquis tantum dubitat, an pro futura sit?

PENNA IV. AD DEVM Legislatorem.



Vi certa lege vallabat Abyssos, & aquis ponebat legem, ne transirent fines suos, humanæ naturæ à se conditæ legem posuit, vt in ea meditaretur die, ac nocte. Obligare neminem valet lex, nisi iusta condatur, & promulgetur; quæ tamen promulgatio eius essentiam minimè ingreditur. Potest supremus Legislator in omni lege, etiam naturali, sine villo inconvenienti dispensare. Lex vetus non statim cessavit in puncto mortis Christi; benè tamen post sufficientem Evangelij promulgationem. Potest Lex humana obligare ad culpam, sicut & actus præcipere merè internos. Merè pœnalis non obligat in conscientia, sustinere verò debet transgressor pœnam taxatam; sed non ante Iudicis sententiam. Finis legis non cadit sub lege, vt in omnium ore vulgaritè fertur.

Faciem bovis à sinistris ipsorum quatuor prodebat 4. Cherub, eaque figurabat appositè Lucam Evangelistam, qui exorsus est à Sacrificio in Templo. Sed cur à sinistris? Satisfacit Hugo: *Vitulus à sinistris per quem Passio fuisse describitur.* Vnde non abs re deducemus Sacramenta Ecclesiæ ex Christo Deo, passio & mortuo, & lancea percussio sinistro in latere, vt communiter conjectatur, profluentia ad nostram salutem. Hæc ferè tota sunt 4. lib. Sent. materies, ex qua ad Deum convolabimus, quatuor etiam Chertubicis Alis.

ALA I. AD DEVM

Regeneratorem.



Nillum præter Circumcisionem, & remedium legis naturæ, fuit ante Verbi Divini Incarnationem Sacramentum; fuisset nè in statu innocentie? Incertum est. Præter gratiam sanctificantem, quam non physicè, sed moraliter causant, hæc tria Baptismus, Confirmatio, & Ordo imprimunt Characterem, qui est qualitas spiritualis animæ indelebiter impressa. Baptismus, qui est prima post naufragium Tabula, Sacramentorumque ianua, adeò in re, vel in voto necessarius est, vt nisi opportunè eo mediante naufragantibus succurratur, mergi, & ad portum Patriæ Cælestis non accedere, sit necesse. Collatus semel ritè iterari non potest. A quolibet rationis compote, servatis servandis collatus, valet utique.

ALA II. AD DEVM

Institutorem.

Salvator noster diceffurus ex hoc mundo ad Patrem, pridie quam patere-
tur; Augustissimum instituit Sacramentum Eucharistiæ. Excellentissimum
hoc æternæ gloriæ pignus, verum Corpus, verumque Sanguinem D. N.
Iesu-Christi continens, in solis duntaxat speciebus consecratis consistit for-
maliter. Materia Corporis est omnis, & solus panis triticius, sive azymus, sive
fermentatus; Sanguinis verò vinum de vite, cui modica aqua ex præcepto Ec-
clesiæ debet admisceri. Male ex illo Ioan. 6. *Nisi manducaveritis carnem, &c.*
vtriusque speciei Communionem colligunt necessariam hæretici; cum
etiam ibidem ipsa veritas dicat, *Qui manducat hunc
panem, vivet in æternum.*

PENNA III. AD DEVM VIRTVTVM Amatorem.



Egenerant virtutes per se infusæ, dum habitus generant naturales. Fides iustificacionis radix, & fundamentum, omnem propositionem a Deo revelatam, & revelabilem pro obiecto materiali; pro formali verò, & nostri motivo, *Au-
thoritatem Divinam*, provt sapientiam, & veracitatem præ se fert, sibi vindicat. Eadem Authoritate Dei Providentis movemur, & ducimur adæquatè ad præstandum assensum Fidei Divinæ existentie Revelationis cuiuscumque myste-
rij revelati, iudicio præsupposito prudentis, & evidentis credibilitatis, simulque assensu humano terminato ad existentiam motivorum, in quibus talis prudens, & evidens credibilitas innitur. Nemo rationabiliter sperat, quod futurum nullo modo credit. Unde licite desperat, cui Deus absolutè suam damnationem revelat. Caritas, qua Deus diligitur propter se, proximus autem propter Deum, quoad habitum, eadem est in via, & in Patria; non item quoad actum. Correctio fraterna est de Iure naturali, & divino; est que adhibenda, quando aliquis tantum dubitat, an pro futura sit?

PENNA IV. AD DEVM Legislatorem.



Vi certa lege vallabat Abyssos, & aquis ponebat legem, ne transirent fines suos, humanæ naturæ à se conditæ legem posuit, vt in ea meditaretur die, ac nocte. Obligare neminem valet lex, nisi iusta condatur, & promulgetur; quæ tamen promulgatio eius essentiam minimè ingreditur. Potest supremus Legislator in omni lege, etiam naturali, sine vilo inconvenienti dispensare. Lex vetus non statim cessavit in puncto mortis Christi; benè tamen post sufficientem Evangelij promulgationem. Potest Lex humana obligare ad culpam, sicut & actus præcipere merè internos. Merè pœnalis non obligat in conscientia, substinere verò debet transgressor pœnam taxatam; sed non ante Iudicis sententiam. Finis legis non cadit sub lege, vti in omnium ore vulgaritèr fertur.

Faciem bovis à sinistris ipforum quatuor prodebat 4. Cherub, eaque figurabat appositè Lucam Euangelistam, qui exorsus est à Sacrificio in Templo. Sed cur à sinistris? Satisfacit Hugo: *Vitulus à sinistris per quem Passus fuisse describitur.* Vnde non abs re deducemus Sacramenta Ecclesiæ ex Christo Deo, passio & mortuo, & lancea percussio sinistro in latere, vt communiter coniectatur, profiliencia ad nostram salutem. Hæc ferè tota sunt 4. lib. Sent. materies, ex qua ad Deum convolabimus, quatuor etiam Cherubicis Alis.

ALA I. AD DEVM

Regeneratorem.



Nillum præter Circumcisionem, & remedium legis naturæ, fuit autè Verbi Divini Incarnationem Sacramentum; fuisset nè in statu innocentia? Incertum est. Præter gratiam sanctificantem, quam non physicè, sed moraliter causant, hæc tria Baptismus, Confirmatio, & Ordo imprimunt Characterem, qui est qualitas spiritalis animæ indelebiter impressa. Baptismus, qui est prima post naufragium Tabula, Sacramentorumque ianua, adeo in te, vel in voto necessarius est, vt nisi opportunè eo mediante naufragantibus succurratur, mergi, & ad portum Patriæ Cœlestis non accedere, sit necesse. Collatus semel ritè iterari non potest. A quolibet rationis compote, servatis servandis collatus, valet utique.

ALA II. AD DEVM

Institutorem.

Salvator noster discessurus ex hoc mundo ad Patrem, pridie quam pateretur, Augustissimum instituit Sacramentum Eucharistiæ. Excellentissimum hoc æternæ gloriæ pignus, verum Corpus, verumque Sanguinem D. N. Iesu-Christi continens, in solis dumtaxat speciebus consecratis consistit formaliter. Materia Corporis est omnis, & solus panis triticeus, sive azymus, sive fermentatus; Sanguinis verò vinum de vite, cui modica aqua ex præcepto Ecclesiæ debet admisceri. Male ex illo Ioan. 6. *Nisi manducaveritis carnem, &c.* utriusque speciei Communionem colligunt necessariam hæretici; cum etiam ibidem ipsa veritas dicat. *Qui manducat hunc panem, vivet in æternum.*

ALA III. AD DEVM VENIÆ.

Largitorem.

COgnoscens figmentum nostrum Deus, in misericordia Dives, illi de opportuno providit remedio, Sacramentum videlicet Pœnitentiæ, cuius essentia in hisce præcisè consistit verbis, *Ausoluo te.* Præcepto annuæ confessionis satisfecisti, quocumque anni tempore confitearis. Iuxta communem, per Pœnitentiam merita illa reviviscunt, quæ quondam viva fuere; illa verò manent eadem, quæ fuere mortua. In Ecclesia thesaurum esse, ex quo saluteræ extrahuntur Indulgentiæ, ad ditandas animas, tam vivas, quam defunctas, per modum suffragij, Catholicorum nemo negat. A

ALA IV. AD DEVM

Desponsatorem.

Indissolubile, perpetuumque Marimonij nexum, primus humani generis parens Divini Spiritus instinctu tunc pronuntiavit, quando, *hæc nunc os ex ossibus meis*, dixit; quem in finem sæculorum à Christo in Sacramentum novæ legis elevatum, docet S. Synodus Tridentina. Circa dispensationem Dei, numquam licita fuit Polygamia. Negantes Extremæ Unctionis, & Ordinis Sacramenta, damnat, & anathematizat S. M. Eccles. Præter septem partiales vulgares Ordines, octavum, videlicet, Episcopatum, cum suo Principe, Subtilium Scholæ propugnat.

S V B H I S S E D E F E N D E T , E T I M M V N I S
servabitur à contrarijs Invasiõibus P. Fr. LOYSIVS
DE VARGAS PONCE DE LEON, Præsida R. P.
Fr. IOANNE DE LA VEGA, in supra memorato
Conuentu Lectore Primario. Die 3. Provin-
cialis Cœtus, & 27. Maij.
Vespere.

HISPALI, Ex Typograph. Officin. IOANNIS DE
LA PVERTA, in Vico de las
Siete Rebueñas.